

**Cofnodion Cyfarfod Bwrdd Iechyd Prifysgol Cwm Taf Morgannwg
(BIPCTM) a gynhaliwyd ddydd Iau 26 Mai 2022 fel Rhith-gyfarfod a
Ddarlledwyd yn fyw drwy Microsoft Teams**

Yr aelodau a oedd yn Bresennol:

Emrys Elias	Cadeirydd
Paul Mears	Prif Weithredwr
Jayne Sadgrove	Is-gadeirydd/Aelod Annibynnol
Patsy Roseblade	Aelod Annibynnol
Ian Wells	Aelod Annibynnol
Mel Jehu	Aelod Annibynnol
Nicola Milligan	Aelod Annibynnol
James Hehir	Aelod Annibynnol
Carolyn Donoghue	Aelod Annibynnol
Lynda Thomas	Aelod Annibynnol
Dilys Jouvenat	Aelod Annibynnol
Hywel Daniel	Cyfarwyddwr Gweithredol ar gyfer Pobl
Greg Dix	Cyfarwyddwr Gweithredol Nyrsio
Gethin Hughes	Prif Swyddog Gweithredu
Kelechi Nnoaham	Cyfarwyddwr Gweithredol Iechyd y Cyhoedd
Sally May	Cyfarwyddwr Gweithredol Cyllid
Dom Hurford	Cyfarwyddwr Meddygol Interim
Lisa Curtis-Jones	Aelod Cyswllt
Anna Lewis	Aelod Cyswllt – Cadeirydd y Grŵp Cyngori Clinigol

Yn Bresennol:

Stuart Morris	Cyfarwyddwr Digidol
Mandie Welch	Nyrs Arbenigol Methiant y Galon (Yn rhannol)
Melanie Barker	Cyfarwyddwr Cynorthwyol Therapiau a Gwyddorau Iechyd
Sharon O'Brien	Cyfarwyddwr Cynorthwyol Nyrsio a Phrofiad Pobl (Yn rhannol)
Claire Nelson	Cyfarwyddwr Cynllunio Cynorthwyol
Wendy Penrhyn-Jones	Pennaeth Llywodraethu Corfforaethol a Busnes y Bwrdd
Richard Morgan- Evans	Pennaeth Staff
Lee Leyshon	Cyfarwyddwr Cynorthwyol Ymgysylltu a Chyfathrebu
Paul Dalton	Archwilio Mewnol
Daniel Price	Prif Swyddog, Cyngor Iechyd Cymuned Cwm Taf
Emma Walters	Rheolwr Llywodraethu Corfforaethol (Ysgrifenyddiaeth)

Eitem ar yr Agenda

1

MATERION RHAGARWEINIOL

1.1

Croeso a Chyflwyniadau

Croesawodd y Cadeirydd bawb i'r cyfarfod, yn enwedig y rhai a oedd yn ymuno am y tro cyntaf, y rhai a oedd yn arsylwi a chydweithwyr a oedd yn ymuno ar gyfer eitemau penodol ar yr agenda. **Nododd** y Cadeirydd fformat y trafodion yn eu ffurf rithwir hefyd.

1.2

Ymddiheuriadau am Absenoldeb

Derbyniwyd ymddiheuriad am absenoldeb gan:

- Geraint Hopkins, Aelod Annibynnol
- Lauren Edwards, Cyfarwyddwr Gweithredol Therapiau
- Linda Prosser, Cyfarwyddwr Gweithredol Strategaeth a Thrawsnewid
- Georgina Galletly, Cyfarwyddwr Llywodraethu Corfforaethol

1.3

Datganiadau o Fuddiannau

Ni wnaed unrhyw ddatganiadau ychwanegol.

2

GWRANDO A DYSGU AR Y CYD

2.1

Stori Claf

Cyflwynodd M Welch stori claf yn ymwneud â phrofiad claf o ddefnyddio ap methiant y galon wrth reoli ei gyflwr. Estynnodd y Cadeirydd ei ddiolch i M Welch am rannu'r stori.

Croesawodd S Morris y gwaith gwych a oedd yn cael ei wneud gan M Welch a'i thîm a chynghorodd fod yr ap hwn yn rhan o gynllun tymor hwy y Bwrdd Iechyd mewn cysylltiad â chyflwyno prosesau hunan-fonitro, a fyddai'n newid y ffordd y mae cleifion yn rhyngweithio â'n gwasanaethau wrth symud ymlaen.

Croesawodd K Nnoaham y cyflwyniad hefyd a dywedodd fod 95% o'r cleifion sydd â methiant y galon wedi cael o leiaf un cyflwr arall a gofynnodd am eglurder o ran sut yr oedd y tîm yn helpu cleifion i reoli eu cyflyrau hirdymor eraill. Cadarnhaodd M Welch fod arolwg diweddar wedi nodi bod gan gleifion o leiaf 7 cydafiachedd a bod cysylltiadau agos ar waith gyda chydweithwyr Diabetes, Arbenigwyr Nyrsio Clinigol ar draws sawl arbenigedd a chydweithwyr Gofal Sylfaenol. Nododd aelodau, er mai dim ond ar gyfer methiant y galon yr oedd yr ap yn cael ei ddefnyddio y byddai'n bwysig symud ymlaen i sicrhau y gallai apiau gwmpasu sawl cydafiachedd cyn gwneud buddsoddiad.

Dywedodd P Mears ei fod wedi siarad â M Welch nifer o weithiau yn ystod y misoedd diwethaf ynglŷn â'r fenter hon a dywedodd y byddai'n rhaid i'r Bwrdd

Iechyd ddod o hyd i ffyrdd gwahanol o ofalu am gleifion y tu allan i leoliad ysbyty. Ychwanegodd P Mears nad oedd hyn yn ymwneud â sicrhau effeithlonrwydd clinigol yn unig, roedd hyn hefyd yn ymwneud â sicrhau bod cleifion yn gallu byw eu bywydau mewn modd mor normal â phosibl er bod ganddynt salwch cronig.

Cadarnhaodd P Mears mai prosiect treialu a ariennir drwy'r Hwb Gwyddorau Bywyd oedd hwn ac ychwanegodd ei fod wedi bod yn trafod atebion digidol posibl gyda'r Cyfarwyddwr Digidol y gellid eu defnyddio ar draws ystod eang o arbenigeddau. Estynnodd P Mears ei ddiolch i M Welch am ei chydnerthedd personol wrth hyrwyddo'r darn hwn o waith ac ychwanegodd bod y dystiolaeth a gasglwyd yn amlygu y byddai hyn bellach yn llawer haws ei gyflwyno i feysydd arbenigedd eraill.

Croesawodd I Wells y gwaith a wnaed gan ddatgan buddiant oherwydd ei fod yn ymgynghorydd i'r Hwb Gwyddorau Bywyd, yr oedd y prosiect hwn yn un ohonynt.

Croesawodd G Dix y gwaith a wnaed hefyd a dywedodd wrth y Bwrdd fod M Welch, ochr yn ochr ag un o'i chydweithwyr, wedi ennill gwobr Nysr Cardiofasgwlaidd y Flwyddyn y British Journal of Nursing a dywedodd fod y Bwrdd Iechyd yn lwcus iawn o gael M Welch yn gweithio yn y sefydliad.

Ailadroddodd y Cadeirydd ei ddiolch i M Welch am y cyflwyniad rhagorol gan ymestyn ei ddiolch i Mr Watkins am rannu ei brofiad.

Penderfyniad: **NODWYD** y Stori Claf.

3 AGENDA CANIATÂD

Cyfeiriodd P Mears at yr adroddiad Fframwaith Sicrwydd Cynnal yn eitem 3.1.4 ar yr agenda a dywedodd, o ganlyniad i'r gwaith a wneir mewn cysylltiad â Gweithrediaeth y GIG, a allai gael effaith ar rai o'r trefniadau cynnal, y byddai angen trafodaeth bellach ar y mater hwn mewn cyfarfod Bwrdd yn y dyfodol. Nododd yr aelodau fod angen eglurder hefyd mewn cysylltiad â chyfrifoldebau'r Bwrdd a dywedodd P Mears y byddai'n trafod ymhellach gyda G Galletly ar ôl iddi ddychwelyd o'i gwyliau.

3.1 I'W GYMERADWYO

3.1.1 Cofnodion nas Cadarnhawyd y Cyfarfod a gynhaliwyd ar 31 Mawrth 2022

Penderfyniad: **CYMERADWYWYD** y cofnodion.

3.1.2 Adroddiad y Cadeirydd – Gosod y Sêl Gyffredin a Chadarnhau Gweithred y Cadeirydd

Penderfyniad: **CYMERADWYWYD** yr Adroddiad.

3.1.3 Diwygiadau i'r Rheolau Sefydlog – Cylch Gorchwyl

Penderfyniad: **CYMERADWYWYD** yr adroddiad.

3.1.4 Fframwaith Sicrwydd Cynnal

Penderfyniad: **CYMERADWYWYD** yr adroddiad.

3.1.5 Strategaeth Rheoli Risgiau a Pholisi Rheoli Risgiau

Penderfyniad: **CYMERADWYWYD** yr adroddiad.

3.1.6 Diwygiad i'r Polisi Fframwaith Safonau Ymddygiad

Penderfyniad: **CYMERADWYWYD** yr Adroddiad.

3.1.7 Adroddiad Cynnydd Diwedd y Flwyddyn Gofalwyr Cwm Taf Morgannwg

Penderfyniad: **CYMERADWYWYD** yr Adroddiad.

3.2 I'W NODI

3.2.1 Log Gweithredu

Penderfyniad: **NODWYD** y Log Gweithredu.

3.2.2 Cylch Busnes Blynnyddol y Bwrdd

Penderfyniad: **NODWYD** yr Adroddiad.

3.2.3 Blaenraglen Waith y Bwrdd

Penderfyniad: **NODWYD** Blaenraglen Waith y Bwrdd.

3.2.4 Adroddiadau'r Pwyllgor ar y Prif Bwyntiau

Penderfyniad: **NODWYD** yr adroddiadau.

3.2.5 Adroddiad y Cyd-bwyllgor ar y Prif Bwyntiau

Penderfyniad: **NODWYD** yr adroddiad.

4. Y BRIF AGENDA

4.1 Materion sy'n Codi nad ystyrir yn y Log Gweithredu

Ni chafodd unrhyw faterion ychwanegol sy'n codi eu nodi.

5. LLYWODRAETHU A SICRWDYDD INTEGREDIG

5.1 Adroddiad y Prif Weithredwr

Cyflwynodd P Mears yr adroddiad yn amlygu'r materion allweddol at sylw'r Bwrdd. Llongyfarchodd P Mears D Hurford ar gael ei benodi'n llwyddiannus i swyddogaeth barhaol y Cyfarwyddwr Meddygol a dywedodd fod holl apwyntiadau parhaol y Tîm Gweithredol wedi eu cwblhau.

Nododd y Bwrdd y gwaith cydweithredol a wnaed gyda Bwrdd Iechyd Caerdydd a'r Fro a Bwrdd Iechyd Aneurin Bevan o ran datblygu gwasanaethau rhanbarthol ar gyfer Orthopedeg, Offthalmoleg a Diagnosteg. Nododd y Bwrdd hefyd fod Arweinwyr a Phrif Weithredwyr awdurdodau lleol wedi cynnal ymweliadau cadarnhaol â'r Adrannau Achosion Brys yn ddiweddar a alluogodd drafodaethau pellach mewn cysylltiad â chydweithio ynghylch rhyddhau cleifion.

Nododd aelodau fod digwyddiad llwyddiannus wedi ei gynnal gyda Meddygon Ymgynghorol Cwm Taf Morgannwg (CTM) gyda dros 170 o feddygon ymgynghorol yn bresennol. Dywedodd P Mears bod sylwadau cadarnhaol wedi eu derbyn o'r sesiwn ac ychwanegodd y byddai sesiynau ychwanegol yn cael eu cynnal drwy gydol y flwyddyn.

Estynnodd y Cadeirydd ei ddiolch i P Mears am gyflwyno'r adroddiad a chroesawodd y gwaith a wnaed gyda chydweithwyr yr awdurdodau lleol.

Penderfyniad: **NODWYD** yr Adroddiad.

5.2 Fframwaith Sicrwydd y Bwrdd

Cyflwynodd W Penrhyn-Jones Fframwaith Sicrwydd y Bwrdd.

Canmolodd C Donoghue yr adroddiad a dywedodd ei bod wedi canfod Fframwaith Sicrwydd y Bwrdd yn arbennig o ddefnyddiol o ran darparu sicrwydd. Ychwanegodd C Donoghue nad oedd hi'n teimlo bod angen i'r Bwrdd gael y gofrestr risgiau lawn ar gyfer pob cyfarfod o gofio bod gwaith craffu ar y gofrestr risgiau mewn Pwyllgorau Bwrdd perthnasol.

Croesawodd J Sadgrove olwg Fframwaith Sicrwydd y Bwrdd yn ei ffurf lawn, gan ddweud ei bod yn teimlo ei fod yn rhoi cryn sicrwydd i'r Bwrdd ac ychwanegodd, oherwydd bod y gofrestr risgiau yn cael ei hystyried yn fanwl ym mhob Pwyllgor na welai unrhyw fudd ychwanegol o ddarparu'r gofrestr risgiau lawn i'r Bwrdd i'w hystyried. Dywedodd J Sadgrove y byddai unrhyw bryderon a godir gan y Pwyllgorau ynglŷn â'r gofrestr risgiau yn cael eu hamlygu yn adran rhybudd/uwchgyfeirio Adroddiadau Pwyllgor y Bwrdd ar y Prif Bwyntiau.

Croesawodd J Sadgrove yr adran newydd mewn cysylltiad â risgiau sy'n dod i'r amlwg sy'n nodi bod gweithdrefnau uwchgyfeirio wrthi'n gweithio ac yn rhoi rhybudd cynnar i'r Bwrdd am faterion sy'n peri pryder sy'n dod i'r amlwg.

Dywedodd P Roseblade ei bod yn cefnogi'r sylwadau a wnaed ac ychwanegodd fod y fframwaith yn uniongyrchol gysylltiedig â'r strategaeth. Dywedodd P Roseblade, er ei bod yn cytuno nad oedd angen i'r Bwrdd gael y gofrestr risgiau ym mhob cyfarfod, y byddai'n ddefnyddiol pe byddai'r Bwrdd yn cael y gofrestr risgiau sefydliadol unwaith y flwyddyn.

Dywedodd P Roseblade, ar gyfer llawer o'r risgiau/amcanion a nodwyd, er bod canlyniad y risg yn newid, fod y disgrifiad o'r risg wedi aros yr un fath a dywedodd, er iddi gytuno y gallai'r tebygolrwydd y bydd risg yn digwydd newid, yna mewn amgylchiadau o'r fath byddai angen adolygu'r disgrifiad o'r risg ynghyd â'r canlyniadau posibl perthnasol.

Adleisiodd I Wells sylwadau ei gydweithiwr ar y Bwrdd a chroesawodd y gwelliannau parhaus a oedd yn cael eu gwneud i'r adroddiad. Dywedodd I Wells y byddai'n cefnogi'r awgrym a wnaed gan P Roseblade ynghylch cyflwyno'r gofrestr risgiau i'r Bwrdd yn flynyddol.

Penderfyniad: **CYMERADWYBYD** Fframwaith Sicrwydd y Bwrdd â chytundeb y byddai'r Gofrestr Risgiau Sefydliadol yn cael ei chyflwyno i'r Bwrdd yn flynyddol.

Adroddiad y Grŵp Cyngori Clinigol ar y Prif Bwyntiau

5.3

Cyflwynodd A Lewis yr adroddiad oedd yn amlygu'r materion a drafodwyd yn y cyfarfod a gynhaliwyd ar 27 Ebrill 2022. Nododd aelodau bod cyfarfod wedi ei gynnal ym mis Mai hefyd lle cafwyd trafodaethau mewn cysylltiad â Rhoi Organau a meddalwedd ymgynghori rhithwir 'Attend Anywhere' a'r cyfleoedd a'r buddion posibl y gallai hyn eu creu.

Ymestynnodd D Hurford ddiolch i A Lewis am gyflwyno'r adroddiad i'r Bwrdd a dywedodd fod yr adroddiad yn amlygu pa mor hanfodol oedd mewnbyn clinigol wrth ystyried y model gweithredu newydd.

Estynnodd G Hughes ei ddiolch hefyd i A Lewis am gyflwyno'r adroddiad a dywedodd y byddai'n ddefnyddiol pe gallai ymgysylltu ag aelodau'r Grŵp Cyngori Clinigol ar y gwaith a wneir mewn cysylltiad â modelu gwelyau i brofi'r dewisiadau a nodwyd.

Dywedodd S Morris ei fod ef hefyd wedi cael y Grŵp Cyngori Clinigol yn eithriadol o ddefnyddiol o ran darparu fforwm ar gyfer ymgysylltu â staff clinigol a oedd wedi ei helpu i ddeall yr heriau a wynebwr ynghylch yr agenda digidol. O ran 'Attend Anywhere', dywedodd S Morris y byddai angen mapio'r elfen gwella gwasanaeth oherwydd y byddai angen rhai clinigau wyneb yn wyneb o hyd

Pwysleisiodd P Mears bwysigrwydd y Grŵp Cyngori Clinigol a dywedodd fod cydweithwyr clinigol yn dymuno i'w lleisiau gael eu clywed. Nododd yr aelodau y byddai gwaith pellach yn cael ei wneud i sicrhau bod croestoriad da o staff yn cael ei gynnwys yn yr aelodaeth wrth symud ymlaen. Dywedodd P Mears wrth y Bwrdd y byddai A Lewis yn camu i lawr o swyddogaeth y Cadeirydd ac estynnodd ei ddiolch i A Lewis am y gwaith a wnaeth wrth sefydlu'r grŵp.

Estynnodd y Cadeirydd ei ddiolch hefyd i A Lewis am ei chyfraniad pwysig. Dywedodd A Lewis ei bod yn ddiolchgar i'r Bwrdd am ei holl anogaeth.

NODWYD yr adroddiad.

Penderfyniad: **Adroddiad Deddf Lefelau Staff Nyrsio (Cymru) – Adroddiad Sicrwydd Blynyddol**

5.4

Cyflwynodd S O'Brien yr adroddiad gan dynnu sylw'r Bwrdd at y pwyntiau allweddol.

NODWYD yr adroddiad.

Penderfyniad:

5.4.1

Adroddiad Aciwtedd Chwemisol Lefelau Staff Nyrsio ar gyfer Ionawr 2022

Cyflwynodd S O'Brien yr adroddiad gan dynnu sylw'r Bwrdd at y pwyntiau allweddol.

Gofynnodd P Roseblade a oedd y goblygiadau ariannol sylweddol o ran y newidiadau i'r gweithlu wedi eu cynnwys yn y cynllun a'r goblygiadau posibl os nad oedd cyllid ar gael. Dywedodd S O'Brien nad oedd hyn wedi ei gynnwys yn y cynllun gan fod y broses yn un ddeinamig oherwydd COVID-19. Nododd yr aelodau fod Cyfarwyddwyr Nyrsio Grwpiau Ardal Integredig, ochr yn ochr â'r Rheolwyr Wardiau a Phenathiaid Nyrsio wedi cydnabod bod angen gwneud newidiadau ar unwaith i gefnogi diogelwch cleifion a nododd mai dim ond rhan fechan o drionglant Deddf Staff Nyrsio oedd yr archwiliad aciwtedd.

Ychwanegodd G Dix bod heriau o ran dynamiaeth y wardiau a addesir at ddibenion gwahanol ac nad oedd wedi cymeradwyo'r broses o sefydlu'r pum ward eto oherwydd ei fod yn awyddus i sicrhau bod methodoleg driongllog yn cael ei defnyddio o fis nesaf wrth i wardiau barhau i gael eu haddasu at ddibenion gwahanol. Cadarnhaodd S May fod y sefyllfa wedi bod yn ddeinamig dros y ddwy flynedd ddiwethaf gan ychwanegu bod P Roseblade yn gywir i nodi yr eir i gostau. Dywedodd S May bod disgwyl i'r costau hyn ddechrau lleihau ac y byddai angen monitro hyn yn fanwl oherwydd nad oedd cyllid craidd ar gael i dalu'r gost hon yn y cynllun presennol.

Mewn ymateb i gwestiwn a godwyd gan y Cadeirydd, sef a oedd amgylcheddau adeiladu yn cael eu hystyried wrth wneud penderfyniadau ynghylch lefelau staffio, nododd Aelodau fod staff Uwch-nyrsio yn ystyried ffactorau amgylcheddol yn rheolaidd yn rhan o'u barn broffesiynol wrth benderfynu ar y lefelau staffio sydd eu hangen.

Estynnodd y Cadeirydd ei ddiolch i S O'Brien am gyflwyno'r adroddiad a dywedodd fod y Bwrdd yn cydnabod yr heriau a wynebid tros y ddwy flynedd ddiwethaf gan ymestyn ei ddiolch i G Dix a S O'Brien am y gwaith a wnaed.

Penderfyniad: **NODODD** y Bwrdd yr adroddiad.

6 CYFLAWNI EIN DIBEN A’N CYFEIRIAD STRATEGOL

6.1 Dangosfwrdd Perfformiad Integredig – Cyflwyniad

Cyflwynodd G Hughes yr adroddiad a dywedodd, er bod nifer o feysydd a oedd wedi gweld perfformiad parhaus, fod y perfformiad yn dal islaw'r taflwybr mewn nifer o feysydd ac nad oedd rhai ohonynt wedi gweld y newid disgwyliedig mewn perfformiad.

Penderfyniad: **NODWYD** yr adroddiad.

6.1.2 Adran Perfformiad Ansawdd y Dangosfwrdd Perfformiad Integredig

Cyflwynodd G Dix a D Hurford yr adroddiad

Estynnodd J Sadgrove ei diolch i G Dix a D Hurford am yr wybodaeth ddiweddaraf a chadarnhaodd fod y Pwyllgor Ansawdd a Diogelwch yn adolygu'r sefyllfa ynghylch cwmpïadau a briwiau pwyso.

Mewn ymateb i gwestiwn a godwyd gan J Sadgrove ynghylch pryd yr oedd ateb digidol yn debygol o fod ar waith i helpu i leihau nifer y gwallau rhagnodi, dywedodd S Morris fod ymarfer caffael yn cael ei wneud i ychwanegu nifer o gyflenwyr at y fframwaith cenedlaethol. Ychwanegodd S Morris y byddai angen datblygu achos busnes drafft a'i gyflwyno i Lywodraeth Cymru pan fo'r ymarfer caffael wedi ei gwblhau. Dywedodd S Morris bod hwn yn faes pwyslais â blaenoriaeth uchel i Lywodraeth Cymru a'r Bwrdd Iechyd a'i fod yn rhagweld, yn amodol ar gwblhau'r ymarfer caffael, y byddai gan y Bwrdd Iechyd eglurder o ran y dewisiadau sydd ar gael erbyn Medi 2022.

Mewn ymateb i gwestiwn a godwyd gan y Cadeirydd ynglŷn â'r ymchwiliad a gynhaliwyd mewn cysylltiad â briwiau pwyso a beth oedd y prif resymau dros y 250 o fannau pwyso a nodwyd y gellid bod wedi eu hosgoi, dywedodd G Dix fod achosion yn amrywio rhwng lleoliadau cymunedol a chleifion mewnol. Nododd yr aelodau, mewn cysylltiad â Chymuned, yn ystod Pandemig COVID-19, fod rhai cleifion a oedd wedi cael ymweliadau Nyrsio Ardal cyfyngedig a allai fod wedi cyfrannu at broblemau gofal pwyso a nododd y bu heriau hefyd gyda chleifion yn ei chael hi'n anodd lleddfu eu mannau pwyso eu hunain. Dywedodd G Dix, mewn cysylltiad â chleifion mewnol, fod angen rhagor o waith mewn cysylltiad â chynnal asesiadau rheolaidd drwy gydol taith cleifion mewnol ac ychwanegodd fod Gwelliant CTM wedi cwestiynu'r data ynghylch briwiau pwyso ac wedi nodi'r meysydd yr oedd angen pwyslais ychwanegol arnynt. Nododd yr Aelodau fod yr holl friwiau pwyso yr ystyriwyd eu bod yn rhai y gellid bod wedi eu hosgoi yn destun gwaith craffu gan y Pwyllgor Craffu.

Penderfyniad: **NODWYD** adran Perfformiad Ansawdd yr adroddiad.

6.1.3 Adran Perfformiad Cyflawni Gweithredol y Dangosfwrdd Perfformiad Integredig

Cyflwynodd G Hughes yr adroddiad gan dynnu sylw'r Bwrdd at y materion allweddol. Nododd yr Aelodau fod perfformiad gweithredol wedi wynebu heriau sylweddol ar draws pob parth ar draws y Bwrdd Iechyd ac yr oedd Timau yn y broses o fynd i'r afael â nhw. Dywedodd G Hughes wrth y Bwrdd ei bod yn annhebygol y byddai gwelliant mewn perfformiad am beth amser o ganlyniad i'r ôl-groniad sylweddol o gleifion yr oedd angen eu trin.

Estynnodd y Cadeirydd ei ddiolch i G Hughes am ddarparu trosolwg clir o'r sefyllfa, yr heriau a'r cynlluniau i fynd i'r afael â pherfformiad yn y tymor byr a'r tymor hwy.

Penderfyniad: **NODWYD** adran Perfformiad Cyflawni Gweithredol yr adroddiad.

6.1.4 Adran Perfformiad y Gweithlu o'r Dangosfwrdd Perfformiad Integredig

Cyflwynodd H Daniel yr adroddiad gan dynnu sylw'r Bwrdd at y pwyntiau allweddol. Nododd yr Aelodau fod perfformiad y gweithlu yn cael ei drafod yn fanwl yn y Pwyllgor Pobl a Diwylliant.

Penderfyniad: **NODWYD** adran Perfformiad y Gweithlu o'r adroddiad.

6.1.5 Perfformiad Ariannol

Cyflwynodd S May yr wybodaeth ddiweddaraf ar sefyllfa Mis 12 a rhannodd gyflwyniad hefyd ar sefyllfa Mis 1. Nododd yr aelodau fod y Bwrdd Iechyd, ym mis 1, yn parhau i ragweld diffyg o £26.5 miliwn a gwnaethant nodi'r heriau sylweddol o ran cadw costau i lawr o ganlyniad i gyfraddau rhedeg sy'n parhau i fod yn uchel.

Croesawodd P Roseblade fformat newydd yr adroddiad y canfu ei fod yn llawer gwell ac yn haws ei ddarllen.

Dywedodd P Mears fod y sefyllfa ariannol yn her sylweddol wrth symud ymlaen o ystyried y gwaith craffu sylweddol a wneir gan Lywodraeth Cymru ar sefyllfa ariannol y Bwrdd Iechyd. Ychwanegodd P Mears y byddai angen canolbwyntio ar sbarduno cynhyrchiant ac effeithlonrwydd, gan gynnal ansawdd gofal, a dywedodd fod materion sylweddol ledled Cymru gyfan.

Dywedodd S May fod cyfarfod wedi ei gynnal gyda Llywodraeth Cymru yn ddiweddar i drafod y sefyllfa ariannol ac y disgwylir i'r Bwrdd Iechyd ddatblygu cynlluniau i fynd i'r afael â'r diffyg ariannol. Nododd aelodau fod gwaith i ddatblygu ffrydiau gwaith gwerth ac effeithiolrwydd wedi dechrau, er mwyn sicrhau arbedion a dychwelyd i sefyllfa ariannol gynaliadwy.

Mewn ymateb i gwestiwn a godwyd gan C Donoghue mewn cysylltiad â chostau ynni ac a oedd y gostyngiad mewn costau ynni a ragwelir o ganlyniad i ail-negodi contractau wedi ei ffactoreiddio i'r cynllun, dywedodd S May fod y Bwrdd Iechyd yn defnyddio cwmni i sicrhau ei contractau ynni ac

ychwanegodd fod cytundeb 12 mis arall wedi ei sicrhau'n ddiweddar a ddiogelodd y Bwrdd Iechyd rhag y cynnydd gwaethaf. Nododd yr aelodau fod y sefyllfa yn gyfnewidiol iawn ac y byddai angen ei monitro'n fanwl drwy gydol y flwyddyn.

Gofynnodd L Thomas am eglurder ynghylch a oedd unrhyw beth y gallai Aelodau Annibynnol ei wneud i gefnogi'r Swyddogion Gweithredol yn y cyfnod anodd hwn. Dywedodd S May y byddai angen parhau i ganolbwyntio ar sut y gallai'r Bwrdd Iechyd sicrhau arbedion deallus y byddai angen i'r Bwrdd cyfan eu hystyried. Mynegodd P Mears yr angen i graffu ar y sefyllfa ym mhob un o Bwyllgorau'r Bwrdd yn hytrach na'r Pwyllgor Cynllunio, Perfformiad a Chyllid yn unig ac ychwanegodd y byddai angen ystyried ymhellach gyflwyniadau i'r Bwrdd yn y dyfodol mewn cysylltiad ag arbedion a'r rhaglenni effeithlonrwydd allweddol a gynhelir. Dywedodd P Mears y byddai'n trafod adrodd yn y dyfodol â S May y tu allan i'r cyfarfod.

Dywedodd y Cadeirydd fod cyflawni llywodraethu integredig ynghylch ansawdd, cyllid a pherfformiad yn her sylweddol i'r sefydliad a mynegodd yr angen i sicrhau bod y prosesau a'r systemau cywir ar waith.

Penderfyniad: **NODWYD** yr adroddiad.

6.2 Cynllun Blynyddol Wedi'i Ddiweddarau 2022/2023

Cyflwynodd C Nelson yr adroddiad. Nododd yr Aelodau y disgwyliid sylwadau gan Lywodraeth Cymru ym mis Mehefin 2022.

Cadarnhaodd S May, oherwydd mai cynllun diffyg oedd hwn, na allai'r Bwrdd ond derbyn a nodi'r cynllun yn hytrach na chymeradwyo'r cynllun.

Penderfyniad: **NODWYD** y Cynllun Blynyddol wedi'i ddiweddarau 2022/2023.

6.2.1 Cynllun Blynyddol 2021–2022 Yr Wybodaeth Ddiweddaraf ar yr Hyn y Gellir ei Gyflawni

Cyflwynodd C Nelson yr adroddiad gan dynnu sylw'r Bwrdd at y materion allweddol.

Penderfyniad: **NODWYD** yr adroddiad.

6.3 Adroddiad Iechyd y Boblogaeth

Dywedodd y Cadeirydd fod angen nodi bod y gwaith a wnaed gan K Nnoaham a'i dîm o ran Iechyd y Boblogaeth wedi cael ei gydnabod fel y gorau yng Nghymru.

Cyflwynodd K Nnoaham yr adroddiad gan dynnu sylw'r Bwrdd at y materion allweddol.

Dywedodd I Wells, er ei fod yn falch o weld y cynnydd a nodir yn yr adroddiad, fod cryn dipyn o ddata yn yr adroddiad a'u canolbwynt yng Nghwm Taf yn hytrach nag yng Nghwm Taf Morgannwg a gofynnodd a fyddai'n bosibl cynnwys rhagor o ddata ar ardal Pen-y-bont ar Ogwr wrth symud ymlaen. Dywedodd K Nnoaham fod heriau a wynebir o ran gwahanu data arolygon ac ychwanegodd fod llawer o'r data a ddarperir gan Iechyd y Cyhoedd yn deillio o arolygon.

Gofynnodd P Roseblade am eglurder ynghylch a ellid cynnwys sgôr Coch Oren Gwyrdd a thuedd mewn iteriadau o'r adroddiad yn y dyfodol o'u cymharu â'r 37 cam gweithredu a nodwyd. Cytunodd K Nnoaham i weithredu'r cais hwn.

Estynnodd y Cadeirydd ei ddiolch i K Nnoaham am gyflwyno'r adroddiad ac estynnodd ei ddiolch i'r Tîm Iechyd Cyhoeddus am fynd â'r gwaith hwn rhagddo.

Penderfyniad: **NODWYD** yr adroddiad.

Cam gweithredu: Dylai iteriadau o'r adroddiad yn y dyfodol gynnwys Sgôr Coch Oren Gwyrdd a Thuedd o'u cymharu â'r camau gweithredu a nodwyd.

6.4 Model Gweithredu CTM – Cynnig Ad-drefnu

Cyflwynodd R Morgan-Evans yr adroddiad. Nododd yr Aelodau fod strwythur Grŵp Gofal yn cael ei gynnig, gan nodi bod dogfen ymgynghori wedi ei rhannu â staff ar 9 Mai 2022 neu sylwadau. Nododd yr Aelodau y byddai'r cyfnod ymgynghori yn dod i ben ar 6 Mehefin 2022. Dywedodd R Morgan-Evans fod y sylwadau a gafwyd hyd yma wedi bod yn gadarnhaol ar y cyfan ac ychwanegodd y dylai'r model arfaethedig fynd yn fyw yn ystod Gorffennaf 2022.

Estynnodd y Cadeirydd ei ddiolch i R Morgan-Evans am yr wybodaeth ddiweddaraf a ddarparwyd.

Penderfyniad: **NODWYD** yr adroddiad.

6.5 Cyflwyniad CTM 2030 Ein Hiechyd, Ein Dyfodol

Rhannodd K Nnoaham y cyflwyniad â'r Aelodau.

Cymeradwyodd P Mears yr wybodaeth ddiweddaraf a phwysleisiodd fod y gwaith hwn yn cael ei fwydo drwy ddatblygu'r strategaeth. Nododd yr Aelodau fod y Tîm Cyfathrebu yn ymgymryd â gwaith ymgysylltu rhagweithiol â sefydliadau Gwirfoddol a Thrydydd Sector ar y pynciau a nodir yn y cyflwyniad a gwnaethant nodi bod trafodaethau yn cael eu cynnal gyda sefydliadau partner hefyd ynghylch y materion sy'n effeithio fwyaf ar iechyd pobl. Dywedodd P Mears y byddai hyn yn gyfle i arwain y ffordd o ran sut y gall y GIG weithio mewn ffordd wahanol gyda Grwpiau Cymunedol Gwirfoddol ac ychwanegodd y byddai cyfleoedd i ymgysylltu â staff hefyd, yr oedd 85% ohonynt yn byw o fewn ôl troed CTM.

Estynnodd y Cadeirydd ei ddiolch i K Nnoaham am rannu'r cyflwyniad a nododd y sylwadau a wnaed gan P Mears ynghylch sut y gallai'r Bwrdd Iechyd arwain y ffordd o ran gweithio mewn partneriaeth.

Penderfyniad: **NODWYD** y cyflwyniad.

6.6 Gwasanaeth Oncoleg Aciwt Rhanbarthol

Cyflwynodd C Nelson yr adroddiad a dywedodd fod Grŵp Arwain Cydweithredol ar Ganser De Cymru wedi cytuno ar yr achos rhanbarthol ac ychwanegodd bod y cynnig wedi ei gyflwyno hefyd i Fwrdd Iechyd Prifysgol Caerdydd a'r Fro a Bwrdd Iechyd Aneurin Bevan mewn cysylltiad â'r cyfnod cynnar.

Mewn ymateb i gwestiwn a godwyd gan P Roseblade ynglŷn â'r costau a nodir yn yr adroddiad, cadarnhaodd C Nelson y gofynnir i'r Bwrdd gymeradwyo £400,000 a oedd yn ymwneud â'r cam cychwynnol yn hytrach na'r £785,000 sef cost lawn y prosiect. Cadarnhaodd S May y rhoir cyfrif am hyn yn y cynllun ariannol.

Mewn ymateb i sylw a wnaed gan P Roseblade ynglŷn â'r oriau gweithredu ac a ystyrir ymhellach y posibilrwydd o weithredu gwasanaeth saith niwrnod yr wythnos, cadarnhaodd C Nelson fod Arweinydd yr Uned Busnes Canser wedi ystyried yr oriau gweithredu ac ychwanegodd y byddai adolygiad ychwanegol yn cael ei gynnal i benderfynu ar y galw dros y penwythnos er mwyn cadarnhau a oedd angen estyn yr oriau.

Croesawodd S Morris yr adroddiad a dywedodd y byddai hyn yn creu cyfle gwirioneddol i ymgymryd â gweithgareddau cysylltu ansawdd data a diffinio data ledled y rhanbarth gyda Byrddau Iechyd a phartneriaid yn y Trydydd Sector.

Mewn ymateb i gwestiwn a godwyd gan I Wells ynghylch y rhesymau y tu ôl i ateb digidol lleol a rhanbarthol, nododd yr Aelodau fod angen yr ateb lleol i sicrhau y gallai'r Bwrdd Iechyd gysylltu â systemau cenedlaethol yn y dyfodol.

Penderfyniad: **CYMERADWYDD** y Bwrdd y model arfaethedig lleol.

7. CYFLAWNI EIN CYNLLUNIAU ADFER / GWELLA

7.1 Proses Hunanasesu Gwelliant Parhaus mewn Ymateb i Ymyrraeth Wedi ei Thargedu

Cyflwynodd R Morgan-Evans yr adroddiad.

Penderfyniad: **CYMERADWYDD** y Bwrdd lefel y dilyniant ar gyfer Ymyrraeth Wedi ei Thargedu a Mesurau Arbennig fel y'i hamlinellwyd ac fe'i cymeradwywyd yn y Bwrdd Hunanasesu Ymyrraeth Wedi ei Thargedu a Mesurau Arbennig ar 28 Ebrill 2022.

7.2

Rhaglen Wella'r Gwasanaethau Mamolaeth a Newyddenedigol

Cyflwynodd G Dix yr adroddiad gan dynnu sylw'r Bwrdd at y materion allweddol.

Cymeradwyodd J Sadgrove yr wybodaeth ddiweddaraf ac ychwanegodd fod trafodaethau helaeth wedi eu cynnal yn y Pwyllgor Ansawdd a Diogelwch a'r Bwrdd Gwella Gwasanaethau Mamolaeth a Newyddenedigol. Dywedodd J Sadgrove ei bod wedi annog y Tîm i roi mwy o bwyslais ar elfen Wasanaeth Newyddenedigol y rhaglen ac ychwanegodd ei bod wedi gofyn am ddiweddariad manwl ar Wella'r Gwasanaeth Newyddenedigol i'w ddarparu i'r Pwyllgor Ansawdd a Diogelwch ym mis Gorffennaf 2022.

Estynnodd y Cadeirydd ei ddiolch i G Dix am ddarparu'r wybodaeth ddiweddaraf ac am y sicrwydd a ddarparodd J Sadgrove fod y Pwyllgor Ansawdd a Diogelwch yn cyflawni gwaith craffu.

Penderfyniad: **NODWYD** yr Adroddiad.

7.3

Adfer Gofal a Gynlluniwyd

Rhannodd G Hughes gyflwyniad â'r Aelodau gan dynnu sylw'r Bwrdd at y meysydd allweddol.

Mewn ymateb i gwestiwn a godwyd gan y Cadeirydd ynghylch a oedd asesiad ar ansawdd bywyd yn cael ei gynnal tra roedd cleifion yn aros am driniaeth, cadarnhaodd G Hughes fod ymyriadau'n cael eu cynnal, gan gynnwys cyswllt parhaus â chleifion. Nododd yr aelodau fod hyn yn cynnwys dilysiad clinigol er mwyn penderfynu a oedd angen blaenoriaethau'r claf i gael triniaeth os oedd pryderon am ei gyflwr clinigol. Nododd yr Aelodau fod cleifion hefyd yn cael eu cyfeirio at wasanaethau eraill lle gellid cael cymorth wrth aros am driniaeth. Ychwanegodd G Hughes fod adolygiadau niwed yn cael eu cynnal hefyd i ddarparu sicrwydd ynglŷn â diogelwch cleifion sydd ar y rhestr aros.

Dywedodd S Morris mewn cysylltiad ag ymuno digidol, a oedd yn rhaglen waith gymhleth, y byddai trafodaeth yn cael ei chynnal yn Sesiwn Ddatblygu'r Bwrdd ym mis Mehefin 2022 ynglŷn â'r Cynllun Digidol a oedd yn amlweddog o ran nifer y systemau dan sylw. Nododd yr Aelodau y byddai angen cyflwyno'r cynllun fesul cam dros gyfnod o ddwy flynedd ac y byddai angen cyllid ychwanegol. Nododd yr Aelodau y byddai dibyniaeth hefyd ar gydweithwyr ym Mwrdd Iechyd Prifysgol Bae Abertawe er mwyn blaenoriaethu agweddau o'r gwaith yma.

Estynnodd y Cadeirydd ei ddiolch i G Hughes am rannu'r cyflwyniad.

Penderfyniad: **NODWYD** y cyflwyniad.

8

UNRHYW FATER ARALL

Nid oedd dim.

9 Sut wnaethon ni yn y cyfarfod hwn?

Dywedodd y Cadeirydd y byddai'n croesawu sylwadau gan Aelodau'r Bwrdd ynglŷn â sut yr oeddent yn teimlo bod y cyfarfod wedi mynd heddiw y tu allan i'r cyfarfod.

10 DYDDIAD AC AMSER Y CYFARFOD NESAF

Cynhelir y cyfarfod nesaf ddydd Iau, 28 Gorffennaf am 10am.

11 DIWEDD Y CYFARFOD